

778 Ieslich vrouwe hete prîs,  
 diu dâ saz bî ir amîs.  
 maneger durch gerndes herzen rât  
 gedient was mit hôher tât.  
 5 Feirefiz unt Parzival  
 mit prûeven heten sîeze wal,  
 jene vrouwen unt dise.  
 man gesach ûf acker noch ûf wise  
 liehter vel noch rôeter munt  
 10 sô manegen nie ze keiner stunt,  
 alsô man an dem ringe vant.  
 des wart dem heiden vreude erkant.  
 Wol dem künfteclîchem tage,  
 geêrt sî ir sîezen mære sage,  
 15 als von ir munde wart vernomen!  
 man sach eine juncvrouwen komen,  
 ir kleider wâren tiwer unt wol gesniten,  
 kostebære nâch Franzoyser siten.  
 Ir kappe, ein rîcher samît,  
 20 noch swerzer denn ein gênit;  
 arabesch golt gap drûffe schîn,  
 wol geworht manec turteltiubelîn  
 nâch dem insigel des Grâles.  
 si wart des selben mâles  
 25 beschouwet vil durch wunders ger.  
 nû lât sî heistieren her.  
 Ir gebende was hôch und blanc;  
 mit manegem dickem umbevanc  
 was ir antlütze verdecket  
 30 unt niht ze sehen enblecket.

manigiu d. g. h. rât (mangev mit herzen gernder art I). \*G  
 g. wart ([\*]: wart V) mit h. tât (art Z). \*G (V) · gedienet hât mit werder tât. \*T

vrouwe \*T (V I)  
 man sach \*G (nur GI) \*T · ûf a. unde ûf w. \*G (nur GI)  
 lieht ([lehtez]: liehtez I) vel n. rôten m. \*G (nur GI)

wol der künfteclîchen (kvmpflichen L) sage, \*G (ohne Z)  
 g. sît ir (sin die I sý ir L sin ir Z) s. (svze L) sumer tage (mere sage Z), \*G

man s. e. junge vrouwen \*T · komen \*G \*T  
 in kleidem \*G \*T · tiure, wol g., \*G (nur GI)

n. swarzer danne timît (ein Timit I); \*G (ohne Z)

vil geschouwet d. w. (wvnder L) ger. \*G · vil b. d. w. ger. \*T (Z)

und lanc; \*T

was ir a. (antlitzet U) bedeckt \*G (\*T)

\*D: D \*m: m V \*G: G I L Z \*T: U

1 Initiale D G L Z 11 Initiale I 13 Überschrift: Hie kvmmet kvndrie zÿ kÿnig artus hof nach parzefale daz er herre werde zÿme Grole V · Initiale m V · Majuskel D 19 Majuskel D 23 Initiale I 27 Majuskel D

1 Ieslich] +eslich D 6 wal] mal D 8 noch ûf] noch \*m (nur m) 15 ir munde wart] ir minne (irem munde V) wirt \*m 25 beschouwet] geschouwet \*m (nur m) 27 blanc] lanc \*m (nur m)